

ادبیات عمومی و تحریری

هفته‌لق سیاسی ، ادبی و علمی غزته‌در .

جلد : ۲

سنه : ۱ ۲۷ رجب ۱۳۳۵ جمعه ايرتسی ۱۹ مایس ۱۹۱۷ نو مورو ۲۹

محیط و ترک‌لر

[کچن نسخه‌نزدن مابعد]

بو سلطنت ، شمالده ، بیوک دره‌لر حوالی‌سندده لهستان ایله ؛ [قاریات] حدودنده آوستریا ایله ، اقصای شمالده [موسقوه‌بیوک - دوقه‌لنی] ایله ؛ جنوبده [عمان] و [حبش] حکومتک بولوندینی اراضی ، صحرای کبیرک ، سودانک حدود غیرقطعیه‌سیله ؛ شرقده عجم ایله ، بحر فارس ایله ؛ غربده [آدریاتیکی] دکزی ، وندیک جمهوریتنه عائد [دالماسیا] اراضیسی ایله ، [فاس] سلطانلی ایله محاطدی .

پوشه‌نشا هلق صوغوق ، منجمد ، صیجاق ، حار ، معمور ، چول ، وحشی ، مدنی ، داخلی ، خارجی ، ساحلی ، قطعوی ، جزیری ، هر درلو محیطاتی جامع‌ایدی ، عجب‌ترک بویرلرک هر طرفنی می‌کندیسه وطن اتخاذا ابتدی ، یوقسه بر قسمنی مستملکه‌می تلقی ایدیوردی ؟
شو ایکنجی جواب صحته ده‌ا قریبدر . بو کون افکارلر ، فرانسزلر ، فلمنکیلر هندده ، [آوسترالازی] یه نصل قونعشلا ایشه‌ترک‌لرده ، مثلاً ، [اردل] ، [طمشوار] ایالتلرینه اویله‌جه قائم اولتلردی . مقصد ، مثلاً ، [طمشوار] ی ، [اردل] ای اهالیسنی تمثیل ایله ترک ملکینه الحاق ایتک دکلدی .

جامعه اسلامیت داخلنده بولونمقاه مصر کی ، مغرب کی بعض ولایات فرقلی معامله‌یه مظهر اولدی . فقط - مستثنا نقطه‌لردن صرف‌نظر - ترک بورالره یرلشدی ، بورالرنی پلک اوقدر وطن اتخاذا ایتدی . بونسکه برابر مصرک ، جزائرک ، تونسک یوکسک طبقه‌لرنده ترک‌لر قالدی . هله حبش ، یمن کی ایالات حقیقه مستعمره اوله‌رق ترک ایرلدی .

اصل ترک‌لر یرلشدیکی ، وطن تلقی ایتدیکی قطعه آناتولیدر . آناتولیده ترک‌لر اکثریت تشکیل ایتدیلر - بناءً علیه محیط نظریه‌سنک تطبیق‌اتنده ، ترک‌لر ایچون ، آناتولینک تدقیق الزمدر . ترک‌لر هریره مستولی اولدیلر ، فقط ، آناتولی ی هریردن زیاده وطن ثانیدیلر .

أوروبا بویلاننده موفق (بالشر) اولدی. بوقدر بیوک بردشمنی آکلامقلمغز و آندن استفاده ایتکلمکمز کرکدی. أوروبا ترکلرک الی الابد یاشایه بیاهجکری بریر اولقدن پک. اوزاقدی. چاپول ایسه دائمی بر وسیله کسب وکار اوله ماز. بوراسنی ده مشاور دولت اولقی صفتیه بر جوق اعظم آکلایه مدیلر. بر مؤرخمز دیورکه بعض منقدرلر دورشکوه مزده أوروپایه کیتدی کمزی مقبول بولیورلر؛ حالبوکه اسرا آلمقی کبی بواسفارک بر حکمتی واردی.

بو، پک عادی بر مطلبندر. بو مقصدله بیکرله کیلومتر و اوزاقلره کیدمز.

عثمانلی ترکلری دائره لرینک خارجه جیقمقله ضرر کوردیلر. سقوط، ظن و تخمین ایدیه میه جک درجه ده الیم اولدی. فی الواقع اوووبالیلر مستعمرات دورنده بر جوق یرلره یاییلدیلر. فقط انکلیزلرک هنده، فرانسلرک هند چینی یه استیلارلی ایله بزم آوستریایه هجومز بیتنده فرق واردر. هندیلر سهولته دائره انضباطه کیرر. بونلر پک اوقدر عسکری و مترقی بر قوم دکلدن. بزم مبارزمن، بالخاصه تبعه من اولان ملتر آنلره قیاس قبول ایتیه جک درجه ده بهادر، جنگاور و متکامل افراددن سرکدر.

فی الواقع محیط مختلف زمانلرده دکشدی، اهتراز ایتدی ایسه ده ترکینه آناطولیده و روم ایلینک اقسام شرقیه، سنده آرانه بیلیر. اورانک شرائط جغرافیه سی ترک عرقی اوزرنده تأثیرخی کوسترمشدر. ترک، آناطولی یه بکزه ر. تاتار ایسه ده زیاده ترکستانه شبهدر.

شرق اقلیمی ترکلری دیگر اقوام شرقیه یه کاملاً بکزه تمه مش ایسه بونک سببی عثمانلیرک سحیه اصلیه لرینی محافظه ایتلری، واسلامیته اهتدالریدر. عثمانلی ترکلری، - مجارلر کبی - اسلامیته کیرمه ایدیلر، بوکون، - شوکا قویاً امین - بو حوالیده، بتون بتون روم اولورلردی. نته کیم (آشاهی امپراطوراتی) لاتینلری الیوم اصل یونانلیر کبی روم اولشلردن. چونکه غایت یاپیشقان اولان روم و یونان ملیتی - خصوصیه مذهب سایه سنده - هر شیئی بلع ایدردی. ترکلر اسلامیته تمیل ایله عربلشمیلر؛ چونکه آنلرک هنگام اهتداسنده عربلرک قابلیت تمثیلیه سی آرتقی قالمامشدی. بو قابلیتک موجود بولوندیغی زمانلرده ایسه عرب طرفنه کچن بر جوق ترک عربلشمشدر.

خلاصه کلام: ترکلر اسلامیته کیردکارندن یونانلشمیلر. عربلرک ده یالکزه هبوط دورنده مسلمان اولدقلرندن عربلشمیلر. کنایلرینک اوزمان لسان و ادبیاتی، یوکسک اولدیفتدن آناطولیده قالان و روم ایلیده بولونان انقاض نصرانیه یی کاملاً ترکشدیرمیدیلر. فقط محیط و دین آنلری مانکو خالک توابعدن پک بشقه، بتون بتون بشقه بر ملت اولقی اوزره صحنه تاریخه وضع ایتدی.

صهول نوری

خیالک بین الملل تأثیراتی

بالی یه

آرمالرک هان هپسنده و بایراقلرک بر قسمنده، حالا اسکی زمان حکمدارلرینک بقیه احتراضنه بکزر بر طاقم خیالی رسملر و اشارتلر کوره بیلپورز؛ اسکی مسکوکاتی آکدیران بوعلامتیرک اوستنده، یا ایکی باشلی، یا قانادلری آجیق برهر قارتال، یا خودده صافه و صوله باقان برهر

چفت آرسلان و بعضاً ده ایکی پهلوان بولنور : شرق ایله غربی ، یعنی کونشک بوتون کذرکاهنی احاطه ایدن بونظرلر و بدایتله نهایتی اشارت ایدن بوقانادر قدر خیالک سیاستده کی اسکی وسعتی هیچ بر تمثال افاده ایده من . مخیلاتک بوصورتله بین الملل تأثیرات اجرایی ده ، اکثری جهانگیرلک اساسیله بر فکر سیاسی به انقلاب ایده رک تظاهر ایدیوردی . بوسبیله بوکون ، اجدادی جهان حکمران اولقی سوداسنی حس ایتمه مش بر بویوک خاندان آرامق ، بر آرز بیهوده یورولقی دیمکدر . اسکیدن ، مملکت ملتک دکل ، ملت مملکتگدی ؛ بونظریه ، حکومتلرک مناسبانده اک بارز خط حرکت اولمش و هر زمان طوپراق انساندن قیمتدار عد اولومشدی !

اداره سنده کی مملکتک حدودینی دائمی بیلن بر دولت یوق کیدی : هر یکمدارک فضله اراضیدن بکلدیکی ، ملته فائده دکل ، کندینه مائده ایدی ! بو اعتبار ایله دولتلرک حدود طبیعی و شکل قطعیلری تیلر ایده میور ، و هپسنده دائمی استحاله لر وجوده کلییوردی . حتی جهانگیر اولقی ایسترن انقراضه اوغرامش و تاریخک ایچندن آنجق بر بورا سره قیله کچه بيلمش دولترده یوق دکلدی : بعضاً بر مجذوبک آرقاسندن بوتون بر ملت و بلکه بر چوق ملت لر قوشیور و هپسی بر خولیا ضرغیسی ، رحمتسز بر بولوط کی کچیوردی ! یر یوزنده محیط ، عرق ، عادت و لسان وارکن ، جهانگیرلک سیاسی قدر بیهوده بر تئنی اولامایه جغنی تقدیر ایدنلر اندردی ! بوندن دولایی بومسلک عصرلرجه دوام ایتش و آنجق صوک سنه لرده باشقه برشکله کیرمشد .

— اسکندر ، وطنندن قالقوب یونانی ، سورییه ، مصری ، عراقی ضبط ایتش و حتی هندک سندینه قدرده کیتمشدی . فقط اوراده ، عسکرلری تاریخه ترجان اولمش کی بو توکنمز یورغوغلغه اعتراض ایتدکطرندن ، جهانک دکل ، ساده شرقک بیله نهایتی ادراک ایتدن دویمشدی ! ثولورکن ده ، فتوحاتی امهاسندن [اک لایقنه] ترک ایدنجه ، اولرده « اسکندرک جنازه آلائی » دیه مشهور اولان رقابت محاربه لرینه باشلامش ، و بوصورتله افندیلرینک میراثی همان تقسیم ایتمیلردی ! خلاصه ، زواللی اسکندرک هر حالده جهاندن پلک کوچوک اولان بواوفاق ملکی بیله پایدار اولامامش دیمکدی . چونکه اوسرمت و اوپریمان وضعیت جغرافیه ایله ، آنجق او یله درمه چاقمه برشی یاپیلا بیلیردی ! آتیلا ده ماکدونیا لی مسلکداشک آسیاده یاپدیغنی آوروپاده کوسترمش و عادتاً بر غرب اسکندری اولمشدی ! تیموره کلنجه ، اونک کندی کوزلری بیله بروحدت ملکیه کورمه مشدی . . فقط ینه اوسیاست خیالیه سندن واز کچمور ، وینه خولیا یولنده ثولونجه قدر چین فتحنه کیدیوردی ! شارلمانیک حیاتی ایسه ، جهانگیر دکل ، (قطعه کیر) اولمانک بیله محال اولدیغنی اثبات ایدر . فی الحقیقه تشکیل ایتدیکی دولتک حدودی ، بر طرفدن شمال دکریله آق دکوزه ، بر طرفدن ده بوهیمیا ایله بحر محیط اطلاسی به قدر توسع ایتمشه ده ، نهایت بو وسعتدن دره بکلکلی ظهور ایتمشدی ! بوسبیله اثری ده آنجق کندیمی قدر یاشامش اولدی .

بو آدملر خسته ایدی : تصورلرینی برحای ذکا ایچنده قوریورلر و صوکره بواونلرک سیاستلری اولیوردی ! اثرلرینک متین اولاماسی ، حدود طبیعی دن محروم اولالرندن دی و بویله هرایکی مناسبه محدود اولان دولترده شبهه سز پایدار اولامازلردی . ذاتاً اوزمانلر ، سیاست خارجه هنوز یوقدی ؛ فقط بر چوق زمان صوکره ، ملتلرک بویکی واسطه مناسباتی تأسس ایدرکن ، اسکی جهانگیرلک مسلکی ده براستحاله کچیرمش اولدی : بو استحاله آوروپا سیاست استملاکیه سیله تظاهر ایدیوردی . بناء علیه ، نتیجه اعتباریله ، بوکونکی دولترده سلفلرینک مسلکله سالک عد اولونابیلر سده ده ،

حقیقتده ، اسکسیله یکیسی آراسنده ماینت وارد و خصوصیه سائقلری بوس بوتون باشقه در .
 آوروپاده ره فورملک ظهوری ، هرملکته حریت شخصیله ایله حاکمیت ملیه بی وجوده
 کتیرمشدی ؛ کیتدکجه ، بوتون اسکی استبداد عقایدیه برابر ، مملکت ایچون ملت ، طوپراق ایچون
 انسان اعتقادی ده سقوط ایتمش ، و آرتق مملکت ملتک اولمشدی ! بو حاکمیت ملیه سایه سنده ،
 بر شخصک خولیاسنه بر قومک فدا اولدینی کونلرده کچمش دیمکدی . بوضورتله ایسه ، حدود
 طبیعیه سیله تشکلاتی زمان ایله محیطه ندیون اولان هر دولتک خریطه سی ، اتخاذایده چکی سیاستک
 خطوط اساسیه بی اولیوردی ! بویله یکی برانکشاف ایچنده کیتدکجه یوکسلن ملتر ، آرتق اسکان
 ایتدکلری وطنک زار کلدیکنی حس ایتدکلری زمان ، مجبوریتله جهانگیر اولملردی . بوعتبار
 ایله ، اسکی جهانگیرلک سیاستله بو کونکینک اک بویوک فرقی ، برنجیسینک حکمداردن ، ایکنجیسینک
 ملتدن صدوریدر .

ثانیاً ، اسکی جهانگیرلک حدود طبیعیه دن محروم اولدینی حالده ، یکیسی هم اوکا استناد ایدیور ،
 هم اونی تأیید ایدیوردی : چونکه سیاست استملاکیه اولمسه ایدی ، برچوق ملتر ، سوق
 احتیاج ایله ، کندیلرینه متصل مملکتلره تجاوز ایده جکلر ، بوضورتله ده ، بو کونکی حدود طبیعیه ،
 قرون وسطی حدودنی آ کدیراجقدی ! ثالثاً ، اسکیدن سیاست اک زیاده خیاله استناد ایتدیکی
 حالده ، بو کونکی جهانگیرلک اساسی ، دوغرودن دوغریه احتیاجک تأثیریه حاصل اولمش بر حادته
 تجاریه در ؛ بوسیله ، زمانه زک ره ده نفوتلی جهانگیرلری ، قرون وسطی نک قالفانی فاتحلرندن
 دها واسع و پایدار اثرلر وجوده کتیریورلر ! حتی اون دردنجی لوبیله بو آتقاره مقایسه ایدیله چک
 اولورسه ، رئیس جمهورک هر حالده قراهن پک چوق جهانگیر اولدینی پک قولای لظاھر ایدر ! ...
 فقط خیاله استناد ایدن بر سیاستک انجمنی قاچ کره تاریخ اثبات ایتدکن
 صوکره بیله ، ینه ملتی خولیاسنک آرقاسنده قوشدیر ایلیمش و ماجرالر پيشنده قوشمش انسانلرده
 ظهور ایتتمش دکلدور . مثلاً ناپولئون ، اون دو قوزنجی عصرک ایچنده ، عادتاً بر قرون وسطا
 حیاتی یاشامشدی !

بو آدم ، استقبالك قارشیسندن اونفورمالی برعبرت کبی کچمشدی ! دنیانک هم اک بویوک
 عسکری ، هم اک کوچوک سیاسیدی ! و بو شخصیتلرک برنجیسيله یوکسه لوب ایکنجیسيله محو
 اولمشدی . بونا پارتنلر قوردینی دیپلوماسی ، سیاستدن زیاده شاعرانه بر موضوعه و حتی بر شعره
 بکزیوردی ! بو منظومه کله کوزل قسنی ، شرقه دائر اولاندیر : بوتون وسعت قریحه سیله
 احتراصنی ، و بوتون ثروت خولیاسنی ، ایکی موسقوف چاریله ترتیب ایتدیکی [بویوک پروژا] نده
 کوسترمشدی . اولاً برنجی پویه بر هندستان سفری تصور ایدیور و رهن سواجلندن سندک
 کنارینه یوزیکرمی کونده واصل اولیوردی ! بوسفرک محاربه ، سیاحت و استراحت کوللرینه
 وارنجیه قدر بوتونی تفصیلاتی تعین ایدلمشدی ! مثلاً مایسک اون برنجی صالی کونی مشترک روس-
 فرانسز اردوسی قندهاره واصل اولاجق کبی قرونومترو تفرغاتی بیله واردی . بونلر ، موسه نک
 رهن نهرینی بر بارداغه صیغدیرماسی قیلندن شیلردی و ناپولئونک شرقه عائد مقرراتیله معاهداتک
 یکانه نقصانی منظوم اولمایوب منتور اولمالریدی !

فرانسه نک برنجی ایمپراطورلق دورنده کلن چارلر ، بونا پارتنلرک بو مصاحبه لرینی پک طاعتی
 یولملردی . برنجی پول بوغولقدن صوکره ، ناپولئون ، خلفی برنجی آلکساندری ده عینی ضیافت

خیالیه دهوت ایتشدی ؛ بونک اک شایان دقت قسمی ، ۱۸۰۷ تیلست ملاقاتنده کچدی : ایکی
ایمپراطور بر ماصه اطرافنده برلشمش و اورتالرینه بر عثمانلی خریطه سی آچشلردی ! بو کاغذک
حضور الوانده ، ناپولئونک قلبی اسکی سیاحتلرندن قاله کنجلاک احتیاساتیه چارپیور ، مصری
خاطرلاوکن کوزلرندن نیله بکزر یاشلر آقیور ، و مالکنک حدودندن دها یحدود اولان
خیله سندن شرقک غربه نصیب اولمایان آنات الوانی کچیوردی ! قارشیسنده کینه مداخله و مقاسمه
تصوراتی آکلاتیرکن ده ، لسانی هپ تفرحاته کیتدیکنندن ، ذکرندن فکری میدان چیقیوردی !
بونلری سویلرکن ، سیاسی بر مقصدی یوق ، ساده خیالنده بر آتش واردی ؛ اونک بوتون غایه سی ،
بوتون سیاستی ، چنده دکل ، قلبنده ، مفکره سنده دکل ، خیله سنده ایدی ! کوچوک و مادی شیئر
خیاله صیغما یا چغندن ، ناپولئونک غایه سی ده جهانگیر اولقدی ... بو حس ایله ، تیلستنده کی ماصه نک
باشنده ، ارضک اوستنده کی بوتون خطوط سیاسی سیلمش ، و بر جهان معماری کبی ساده
کیفیه خیالنه موافق بر دنیا خریطه سی چیرمشدی ! قارشیسنده اوطوروب ، قوردینی یکی کاشانی
سیر ایدن ساخته دوستنک بیله ، بو وسعت قارشیسنده عقلی قاماشیوردی . نهایت چار ، قره دکزله
مهره نک آراسنده بر نقطه کوستروب ، استفهام اشارتی کبی پارماغی اوستنه قویار ؛ ناپولئون ده
اونقطه بی اویله بر موسقوف پنجه سی آلتنده کوروچه : - خیر ، استانبوله دوقونمق اولماز ، اوراسی
جهان پایختیدر !» دیر ...

فرانسه ایمپراطوری ، بوجوانی ، موسقوف سوآلی آلتنده صارصیلارق ویرمعدی ؛ صوکره
پروسیا تکلیفاتی ده انضمام ایدنجه ، شرق ایهینک ظن ایتدیکنندن پک قاریشیق اولدینگی آکلادی .
حتی تاله یرانه یازدینی بر مکتوبده : « تورکیا حقدی کی تصوراتم آرتق صارصیلوب سقوط
ایده جک حاله کلدی . معافیله هنوز قطعی بر قرار ویرمدم ! » دیمعدی ؛ و نهایت ویرمدمده
تولدی ... اگر ناپولئون ساده بو تصورات ایله اکتفا ایتسه ایدی ، خیالاتندن نه کندیدی ،
نه باشقه سی متضرر اولوردی ؛ فقط چارله برابر قابل اولمايچه ، کندی ایشی کندیدی کورمک
سوداسنه دوشدی ، و بوقاره سودادن ده آنیسی قارا کلق بر محاربه چیقاردی : موسقوف سفری ...
بوایکنجی روس حربنک اوزمانکی فرانسه نقطه نظرندن اسبابی شونلردی : (۱) روسلرک ۱۸۰۹
سفرنده کی طرز حرکتلری . (۲) ناپولئونک ایتدیکی روس پرنسینی آلاماسی ! (۳) استانبول
وطونه رقابتی . (۴) موسقوف تسلیحاتی . فقط بونلرک دردی ده آنجق بره « قازوس بهلی » دن عبارتدی !
فی الحقیقه ۱۸۰۹ آوستریا سفرنده ، روسلرک ناپولئونه اولان معاوتی بر نمایشدن عبارت قالمش
ونمه اردوسنه ویردیر دکلری ضایعاتک مجموعی اوچ مقتول ایله درت مجروحه انحصار ایتشده ده ،
بو بر وسیله حرب اولقدنی زیاده آنجق اتفاقک سبب انحلالی اولابیلردی . قیر مسئله سنه کلنجه ،
هرحاله ایمپراطور ، چارک همشیره سنه عاشق دکلدی ! استانبول ده وسیله حرب اولامازدی ،
چونکه روسلر اوصره ده « جهان پایختی » نه کیرمک اوزره دکلدیلر ؛ یالکز اویله بر غایه لری
واردی که اوده یکی برشی دکل ، و حق تیلست مصاحبه لرینک ضبط سابقنده بیله داخلدی ...
تسلیمات ایسه ، پک دوغرو ، فقط متقابله ... حالبوکه روسلرک بو استحضاراته حق لری ده واردی :
چونکه ناپولئون ، وارشوه فران دوقه لغی روس منفعتی علیهنده بو یوتمش ، (۱۸۱۰) ده شمالی
آلمانیا دن بر طاقم اراضی الحاق ایتش ، و خصوصیه اعلان ایتدیکی محاصره بریده نک روسیه ده کی
تأثیراته هیچ بر اهمیت ویرمه مشدی ! طرفینک بو اسبابی مقایسه ایدیلرسه ، ناپولئونک عادتا

سببىز حرب ايتدىكى تظاهر ايدىر! فقط حقيقتده اويله دكلدى، و كندى نقطه نظرندن، اولئك ده بويوكلكى قدر صميمى بر وسيله عداوتى واردى: وضعيتى شرقه حاكم اولان روسيه يي ازمك، اورادى هنده كيتمك، اوريدن انگيزلرى ايتك، و بونلر اولماس بيله، هر حالده بر ظفر سايه سنده بر جهانكيراك اعلان ايتك!... حتى سفر ائناسنده ياننده طاشيدىنى چكجه نك ايچنده، قيريل بر سلطنت مشلجى، بر تاج ايله بر جهانكير عصاسى وارمش! خولياسى قدر پارلاق اولان بواشيانك، بو دنياده قوللانيلاجق شيلردن اولمادىغى تقدير ايتيوردي ديمك!...

فقط قانون طبيعت او قدر ذى قدرتى كه، او كا قارشى خوليا دكل، بلكه حقيقت بيله عاجز قالمشدى: فرانسه دن، آلمان يادن، ايتاليادى، اسپانيادى، بلجيقادى، هولاندان، ايلالير يادن، لهستاندن، چهستاندن ودها بر چوق بشريستاندن قوت آلان، معينده اوچ قراله و برجوق ولى عهد ايله يوزلرجه پرنس اولان ناپولئون، جهانى طوپلادىنى حالده ينه جهانكير اولامادى! دهادشمنله تماس اتمه دن، ساده يورغونلغه يوز بيلك كفى قربانى اتمشدى! روسلر ايستيه رك چكيليور، فرانسزلر ايستيه رك ايلر يله يوردى؛ فقط بو وضعيتده مقدراتك كوستردىكى بر خارقه واردى: چونكه هيچ بر طرف ياد يغندن ممنون دكلدى! محاربه سز رجعت پلانى، موسقوفلر ك كوچه كيديور، محاربه سز ثولك ده فرانسزلرى قيردير يوردى! فقط طبيعت ناپولئونه عناذ ايدىر كى، هرايكى طرفى ده عيني حر كنده درام ايتدير يوردى؛ حتى روسن اردوسنده تعرض طرفدارى قوماندانلر بيله موقع اقتداره كلسه، هر تجربه تماسك مو كنده ينه مطلقا سلف و مخالفلرينك رجعت پلانى طبعيله رجوع ايدىورلر و نهايت بو دائمى رجعت فرانسزلره قارشى كندىلكندن بر تعرض تاثيرى ياد يوردى! ناپولئون بو بوش كيديشله موسقوفه كيردىكى فرمان، آرتقى طبيعت كنديسنه: «دور!» ديمش كيدى.. روسلر يكرمى ملت اردوسى ديدكلىرى عسكر، شهرى ضبط اتمه مش، عادتاً او كا التجا اتمشدى! «فرانسزلر ك ايمپراطورى» اوتوز بش كوفى موسقوفه ده محاصره آلتنده كى قالدى: بواشاده قونسرلر، تياترولر ترتيب ايتدير مش، پارسده كى (قومه دى فرانسه ز) ك نظامنامه داخلينى يازدير مش، و يالكنو وزن بيلمديكندى شعر سويله مه مشدى!

موسقوفلرى ايسته ميه رك رجعت ايتدير ن، فرانسزلرى ايسته ميه رك ايلر يلتن قوه مجبوله، صوك تجليسى ده موسقوفه يانغينه كوستردى: عموميتله روسلر ك ياقدينى ظن ايديلن بو يانغين، افزايده كندى كندينه اولمشدى! چارك موسقوفه واليسى روسطوپچين، شهر دن قاچار كن، دشمنه بر اقامق ايچين بر قاچ باروت ده پوسنى، ميخانه لرله اسپر تو قايقلىرى ياقدير مش، و نهايت، سرايتدن بوتون مملكت يانمشدى؛ حتى عيني روسطوپچين، بالاخره بوندن بحث ايدركن: «بو يانغين بيلميه رك بن حاضر لامش اولدم، فقط اصلا بن پامادم!» ديمشدى... ناپولئون، آتشدن قور تولونجه يه قدر، آز قالدى سياستده كى حس و خولياسنك بو صوك آلورلى ايچنده كنديسى ده ياناجقدى! او صره ده آلتده برده رباب اولسه ايدى، طبيعتك ياقدينى بو موسقوف روماسنك قارشيسنده واون دوقوزنجى عصرده، نه مكمل بر (نه زون) وكيلى اولايلىردى!

نهايت، آرقاسنده اوچ يوز اللى بيلك كفى براقارق، طابوردن قوتسز بر اردو باشنده، چكجه سيله برابر، قوغواش كى عودت ايتدى! آتشدن قور تولديغنه شكر ايدىر كى كيتدى.

... سياسته خوليا قارشيرسه، ايسته بويجه يانغين چيقار.